




Eveha



Aiò à scopre l'archeolugia !


L'archeolughi ti presentanu u so travagliu



Cosa serà l'archeologia ?

A parolla archeologia vene da u grecu « **archeos** » chì vole di anticu, è « **logos** », a scenza : **ghjè u studiu di e sucetà antiche, di u so ambiente è di e so attività, da a Preistoria sin'à avà.**

Figurati l'archeologia cum'è una mascina à ricullà in u tempu : **permette di ricostituì u passatu per via di e vistighe materiale lasciate da l'omi inde a terra** (e pignule, l'osse, i muri, e pitture...) ma puru sott'à l'acqua (i relitti...). L'archeolughi sò veri detettivi di u passatu.



*A sapie
tù ?*

*In Francia, omu trova
in media vistighe
archeologiche ogni 300m.
Sè tù tiravi, una striscia
nordu-meziornu traversendu
a Francia, l'archeolughi
puderianu scavà
tutti i 3 ch !*



Perchè ghjè impurtante l'archeologia ?

Ti serai digià postu a quistione « **cume facianu prima ?** », quandu e civilizzazione passate ùn cunniscianu nè Internet nè funini. Cume si campava, cosa facianu di e so ghjurnate ?

Capì cos'avemu ingir'à noi sveglia a nostra curiosità è ci permette d'ùn scurdacci micca di a nostra Storia.

Un ghjornu, l'archeolughi di u futuru scaveranu e vistighe di a nostra epica per capì a nostra civilizzazione. Prova appena à imaginà ciò chì e to vistighe puderanu arricà à l'archeolughi di u 2995 ! Cume anu da interpretà a scuperta d'una televisione, d'un aspiratore, d'un'ampulla elettrica o d'una vettura ?



Induve si trovano i siti archeologici ?

Induve si piattanu i siti archeologici, a sapemu noi ?

Esiste duie manere di fà : inde u quattru di l'archeologia preventiva o di l'archeologia programmata !

L'archeologia programmata :

i scientifici **sceglienu un situ particolare chì li pò arricchì cunniscenze nove** inde un duminiu o nant'à un'epica specifica. **A ricerca per lucalizzà i siti inde a natura si chjama a « pruspezzione ».** Esiste **parechji metudi !**



A pruspezzione pedunaghja*

L'archeolughi piglianu sempre i chjappuli* è altri ogetti prisenti nant'à un locu datu (un campu per indettu) per valutà ciò chì si pò piattà sottu terra.

E pruspezzione geofisiche

L'archeolughi adoprano u currente elettricu è i campi magnetichi per avè « fiure » di vistighe sutterrate o sott'à u catramu.

L'archeologia preventiva :

hè realizzata nanzu à i travagli di custruzione in cità o in campagna (casamenti, parcheghji, autostrade, ecc.) chì scumpieranu e vistighe presente in sopr'à locu. Per sapè s'ellu c'hè un situ nanzu à i travagli, si face **un diannosticu** : l'archeolughi facenu scasci cù una palla meccanica è guardanu ciò chì ci si piatta. Un scavu puderà esse prescrittu s'elle ci sò vistighe !



A pruspezzione aerea

E **vistighe*** archeologiche cumpariscenu di e volte inde i lochi coltivati, perchè chì anu un'impronta nant'à a crescita di i vegetali. Si vedenu da u celu.

E ricerche à l'archivii

L'archeolugu studieghja e carte è i scritti per truvà i siti. U fattu si stà chì i nomi di i paesi, i campi è i lochi detti ammentanu epiche antichissime.

Cosa si trova quand'omu scava ?

Ma di modu cuncretu, cosa hè di scavà ?

Scavà, ghjè caccià i strati di terra, un stratu dopu à l'altru, per capì come un situ hà evulatu longu à i tempi.

Infine, ritraccià a so storia è nanzituttu quella di i so occupanti !

L'archeolughi trovanu

« **strutture** », vale à dì vistighe ch'omu ùn pò caccià cum'è i muri di i casamenti, di i carrughji, di e tombe, di i fossi...



Trovanu ancu a « **mubiglia** », per indettu pignule, osse o grane, ecc. Scuperte inde un fossu o nant'à un pavimentu di casa, issi ogetti arrecanu tandu infurmazione nant'à a manera chì a ghjente campava tempi fà.



Info :

Sè tù scopri à casu un situ o ogetti antichi, ùn tuccà nunda. Chjama u merre di a to cumuna. Sè a to scuperta hè interessante archeolughi veneranu à ispettà i lochi.

- * Vistighe : tracce.
- * Pédestre : à pede.
- * Des tessons : chjappuli di pignule

In u 200 n.z. G.-C.,
U coppiu Copo
si stà inde
sta casa.



Parechje decine
d'anni dopu,
sò partuti. A casa
si n'hè falata.



Di manera abbastanza
lesta, i materiali di
a casa in legnu,
in terra è in vegetali,
si scumponenu
è formanu un stratu
archeologicu.



Longu à l'annu, un stratu
di terra arricatu da
u ventu è l'acqua vene
à ricopre i resti di a casa.



Bellu più tardi, u coppiu
Strate vene à fà a so casa.
Per quessa, cumencianu
à scascià per
e fundazione.



1

2

3

Cume serà fattu un situ ?

Un situ tene sottu terra e vistighe lasciate da tutte l'attività chì ci si sò sbucinate è chì formanu strati successivi.

Fendu **tagli stratigrafichi** di u situ, l'archeolughi anu da guardà di chì manera issi strati si cavalcanu unu sopr'à l'altru. A « **lettura stratigrafica** » permette dinù à l'archeolughi di leghje a storia d'un locu !



A casa si n'hè falata
è hè stata abandonata.
Un stratu novu di terra
vene à ricopre i resti di
a casa. À u XX^a seculu,
u campu hè lavoratu.
In u 2024, un parcheghju
serà assestatu. Scavi
sò previsti...

I Strate lampanu
u so mullizzu nentru
à un fossu.



Principia u scavu !

I scavi principianu oghje : sò ghjunti l'archeolughi.

U cantiere di scavu, hè nanzituttu una squatra di professionali specializzati in sfarente scuperte. **Si face per cumincià una luccicata :** cù una palla meccanica, si caccia u stratu di terra chì ricopre e vistighe. Eppuru, malgratu cosa pò pensà omu, si pò esse assai precisu cù una palla meccanica è caccia picculi strati di terra di menu **di 5 cm !**



Info :

Hè difesa

d'aduprà un detettore di metalli o di fà sè stessu scavi archeologici senza autorizzazione di u statu è di u patrone di u locu.



Eppo, si sgombra cù u baghiliu è a zappa nanzu di scavà di manera più fina cù a cazzola. A squatra mette à palesu e vistighe è prileva cos'ella trova. Per scavà e sepulture* o ogetti fragili, adopa listessi arnesi ch'è u dentistu !

Deve dopu arrigistrà cos'ellu hà vistu : numereghja i tagli, e strutture, l'oggetti.



* Sepulture : tombe.

Infine, disegna è piglia ritratti per pudè studià è tene a traccia di e so scuperte.
Si cumpone dinù a squatra d'un topografu.

Issa persona misura
è rapresenta u situ nant'à un pianu.
Aiuta a squatra à capisce
l'organizzazione di u situ inde u spaziu.



A sapie tù

*Lucy hè stata battezzata
cusi per via d'una canzona !
U fattu si stà chì à l'epica
di a scuperta i circadori
ascultavanu a canzona di i
Beatles « Lucy in the sky
with diamonds ».*

In laboratoriu : u studiu di e vistighes

Compiusi u scavu, l'archeolughi travaglianu in laboratoriu. Cunsiste issa tappa à ripiglià **i dati arrigistrati nant'à u terrenu. Nettanu dinù l'ogetti è i danu à i specialisti per identificà li, è s'ellu si pò di datà li.** Per esempiu, u carbone è l'osse permettenu di datà un situ per via di u metudu di u carbone 14. Per via di l'ogetti datati, puderanu l'archeolughi precisà **a data di e strutture** chì ci sò state scuperte, mentre chì a so funzione (arnese di cucina, di stazzona, piatti) **permetterà di capì megliu a storia di u situ è di i so occupanti.**



Infine, l'archeolughi publicheghjanu e so ricerche, per u più per **valorizà u so travagliu.** Issa cumunicazione hè impurtante per i **professionali**, chì ricevenu infurmazione nove, è per u **publicu**, chì pò scopre cusì a so storia, è u so patrimoniu...

L'archeologia adunisce parecchie specialità di prima trinca per capì u situ. Eccune qualchì d'unu :



L'archeoantropologu studiegghja l'osse umane è si dumanda s'elle eranu d'un omu o d'una donna. Quant'anni avianu ? Eranu malati ? Eranu ricchi o poveri ?



L'archeozoologu s'interrugheghja ellu nant'à i resti di l'animali : era un animale mansu o salvaticu ? hè statu manghjatu ?



U malacologu studiegghja i mulluschi : issa chjoppula era d'una lumaga o d'un crustaceu ? Era una spezia di mare o di fiume ?



U carpologu studiegghja e piante (granelle, nocciuli...) : sò salvatiche o cultivate ? Si manghjanu ? Era una pianta medicinale ?




U ceramologu studiegghja a ceramica : cume serà stata fabricata ? Di quandu serà ? À chì ghjuvava ?



U palinologu studiegghja l'amacu : di chì pianta ci vene ? Chì era u so ambiente ? Era avintu u situ à campi, fureste, fiori ?

Issu listinu **ùn hè mancu appena esaustivu è s'arricchisce sempre** oghje cun mistieri novi, hè pussibile dinù per via di l'avanzata di a scenza (analisi ADN, mudellizzazione 3D, ecc.) !

U frisgiu crunologicu



Éveha prupone
attelli EAC.
Ritruvateci nant'à
u Pass Culture !

più infurmazione:
mediation.eveha.fr

pass
Culture 



Éveha
Études et
valorisations
archéologiques

 **Praticalingua**
lingua face populu